

UN BRANO DI STORIA DELLA PRESENTE GUERRA ^{463cr}

POESIA IN DIALETTO ROMAGNOLO

L'è un gran pez che me a no screitt
sora la guera, can vo deitt
da cla volta sina ades
Un presa poc, quel che sucçes.
Per quell ca ho lett per quell ca so
qualche cosa me av dirò...
Ma prima d'tutt am prem da dî
(sa i' pazienza a ste a senti)
e gran motiv originel
d'ste confleitt universel...
e chi fu i prim provocatour
a mett te mond d'lutt e dolour.
L'urt piû grand e guattaroun
e la avù da l'ambizioun!?
ch'ai iè tl'om per un istint
da la natura!... siv convint?
ma iavtour i principel
zert e fu l'imper centrel
che s'iagiuns euch la Turchia
e piû terd la Bulgaria
contra tutt e rimanent
di sovren i piû potent.
Ma sicom che l'affarisme
e regres e dispotisme
per de e pas a me progres
bso' che fuissa ai temp d'ades,
i sted centrel e la Turchia
e chi dou gat dla Bulgaria
i sarà costrett a zed
a sparì!... che tutt il ved!...
Diffat... quand sti contendent
iavet i prim combattiment
prepared com iera allora
i Tedisch... chin portò fora
la vittoria dl'obbietiv
ch'ieva deitt ho mort o viv
d'andè a Parigi a to i quattrein
e che e colp an iandò bein...
Me... per me... a la viddì cera
chin vinzeva piû la guera!...
Enz ai died una sentenza
che da allora in conseguenza
quei ch'sarcorda ancora in dis
ca fui giust, ca fui precis!...
Av dirò ades quell ca ho deitt
sebben cle un pez che me a lo screitt
a m'arcord puntualment
ca lo ancora i qui tla ment.

Ai diss — la Germania poc temp fa
— Prima dla guera tutt il sa
— Cl'era l'unica nazioun
— per armament per munizioun,
— per soldè beu istruid,
— con un esercit compid
— qualunque cosa necceseria,
— per fe guera in tera, in eria,
— sotta e sora i là te maer,
— contra i fort guarnid d'fer,
— cla eva fat che gran mortel
— con un proietil d'nov quintel
— che colpiva e l'arbatteva
— a trenta meia se troveva
— anche un fort sl'era d'metal
— cla assali t'un intervall
— Ma dla zenta imprepara
— e che Lei per fe starmeda
— l'era circa quarent'an
— clas prepareva, per de dan
— si fuzzi e si cannoun
— ma qualunque sia nazioun,..
— l'an fu bona d'vinz allora
— ades sla tira ancora fora
— tutt i dieyul da l'Inferne
— l'an vinzrà mai piû in eterne!
E badè bein ca n'ho deitt mel...
che osservand i sted centrel
e i su alleied a menca c'a dritta
da per tutt le una sconfitta!
I'la in Frenza Guielmoun
lunghe la Mosa i là a Verdonn
e n'ha sparè d'bomb e graned
di miglioun d'tonneled
la perdù 'na meza armeda
e pou la fat una fritteda!
In tel Fiandre i là l'ingleis
oramai da chi paeis
it ià cazzè comè i cagnaz
da dov ch'iera a ca... de ca...
In Orient i là vers Riga
i n'ha paesa una muligà:
ma Indelburg cla d' Brusiloff
e la bela arducc na strof!
In Galizia in Bucoveina
in Transilvagna una stupeina
it ià cazè Russ, Romein
chi ni lasa piû avè bein!

che si verca pou i Carpaz
 ià fat tombola ragaz...
 ma l'anvoud d'Frenza pagnota
 il mandò in cisa a mett la cota
 Sià avud ades un sopravent'
 in Romania... un tradiment
 ca avud la Russia e fu e motiv,
 da un tedesch el'era za arriv
 a ess dla Duma e president
 de ministre, un delinquent
 cla n'andarà tent alla longa
 che la gola i ni la slonga !...
 ma con tutt quest i tudiscas
 i n'avrà vittoria un ca...
 In Italia chiè una guera
 la più orrenda chi è sla tera
 ca avem tutt e nost front
 accamped sotta di mont
 elt tre quatre milla metre
 tutta genga, tuff o pietre
 do che i tedisch iè trincerad
 chi tira sempre canoned!
 E pur?. con tent difficoltà
 it ià, cazzed un pez in là.
 Da cla Gorizia decanteda
 chin la, avrea mai ciapeda
 sgond l'idea di breghent
 it ià scacciè da tutt i chent.
 Ades noielt a em bsogn quest
 chi la sfonda andè a Triest
 chi manda bas el'Imperatour
 e caporioun de sted magiour
 e se va, Dio il malediscia!
 spo de... sta guera cla finiscia.
 Av dirò ades com la e ste
 che sta guera la ha emanè
 L'era un pez che Goielmon
 e nutriva cla passiou
 el'hai strugeva e cor infond
 da davanti e padroun da mond.
 Ma ei voleva pou de rest
 per fe guera qualch pretest!
 E nascè e fat d'Saraieva
 l'era quest che Lou e voleva!
 Allora e diss ma Franciscon
 di un po su ti pez d'qual...
 i t'ha ammazed i tu parent
 e tan dis un azz?!...
 zaca a mus a ma la Serbia
 mandè a bas la su superbia!
 E diss allora Franciscon
 per me sarea un bagaroun

ea me magn sla merda e tutt!
 ma em po nas un fat più brutt!
 e s' ven i Russ chi la difiend?
 com armedie la fazenda?
 Ei rispos clou d'Goielmon
 pin d'rabia e d'ambizioun.
 No av paura! ai so i qua me!
 alleed sempre con te,
 at garanteis ca sem don imper
 che d' tutt quant e mond inter
 a n'em paura un azz...
 i ne bon nienca d'fes vent!
 E vleva vinz ad ogni const
 ma sicom can iera l'ost.
 la sbaiè te fe i su cunt
 la rimess al pez e l'unt,
 la massacrè tutt dou gl' imper
 e arvined e mond inter!...
 E quest e fu la gran rottara
 d' ste flegel che ancora e dura,
 ca speram che fnissa prest
 ma i prim ch'na causa pou de rest
 o ch' sia Tizie opur Sempronie,
 an dagh a ment ma tent fandonie
 i sra costrett sià fat de mel
 es condaned in tribunel
 da una giustizia ben severa
 chiandarà a mori in galera:
 e quand iè mort sti birbacioun
 si va su ma che portou
 do chiè S. Pietre per guardien
 ca ered che sia un bon cristien
 ei darà 'na gran zampeda
 d'arbaltei zou per cla strada
 zou ti mul trameza e vent
 comè ma tutt i prepotent
 e quand ià avù 'na gran sbatuda
 a mande do che andè Giuda!...

P. Letteraria

G. VILLA

Rimini, Dicembre 1916 — Tip. Artigianelli